

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj : T04 0 KT 0052814 23
Zenica, 12.05.2025. godine

OPĆINSKOM SUDU U TEŠNJU
-Sudiji za prethodno saslušanje-
TEŠANJ

Na osnovu člana 45. stav 2. tačka i) i člana 241. stav 1, ZKP-a F BiH, podižem

O P T U Ž N I C U

Protiv:

Z. H., neosuđivan,

što je:

dana 22.04.2023. godine, oko 13,30 sati, na području općine Tešanj, na regionalnom putu Prnjavor – Novi Šeher u mjestu P., krećući se iz pravca P. ka mjestu J., upravljao putničkim motornim vozilom marke "...", reg. oznaka ..., vozio neoprezno i nedovoljno pažljivo, ne pridržavajući se saobraćajnih propisa, te postupao suprotno odredbama člana 43. stav 1. Zakona o osnovama bezbjednosti saobraćaja na putevima u BiH ("Službeni glasnik Bosne i Hercegovine", br. 6/2006, 75/2006, 44/2007, 84/2009, 48/2010, 18/2013, 8/2017, 89/2017 i 9/2018), tako što brzinu kretanja vozila nije prilagodio karakteristikama i stanju puta, vidljivosti, preglednosti, stanju vozila i drugim saobraćajnim uslovima, tako da vozilo može blagovremeno zaustaviti pred svakom preprekom koju je pod navedenim uslovima mogao predvidjeti, iako je bio svjestan da uslijed takve vožnje može nastupiti štetna posljedica, ali je olako držao da će istu izbjeći ili moći spriječiti, pa je na taj način ugrozio javni saobraćaj i doveo u opasnost živote ljudi i imovine, tako što je uslijed neprilagođene brzine i neoprezne vožnje upravljajući vozilom nastupio desnim točkom na šljunčanu podlogu što je dovelo do destabilizacije i daljeg nekontrolisanog kretanja vozila, uslijed čega je vozilo napustilo kolovoz i nastavilo nekontrolisano kretanje kroz obližnju livadu da bi se konačno zaustavilo u potoku koji se nalazi u neposrednoj blizini, uslijed čega je na vozilu nastupila materijalna šteta, a suvozač iz vozila H. H. zadobila teške tjelesne ozljede u vidu krvarenja moždane ovojnice i preloma vanjskog gležnja lijevog skočnog zgloba, koje ozljede predstavljaju tešku tjelesnu ozljedu kao i nagnječenje glave sa nagnječnorazdernom ranom u predjelu čela sa desne strane čela o oguljotine kože u predjelu lijeve jagodične regije gornje usne i nosa, koje ozljede čine laku tjelesnu ozljedu,

dakle, kao učesnik u saobraćaju na putevima ne pridržavajući se saobraćajnih propisa, ugrozio javni saobraćaj i time kod drugog prouzrokovao tešku tjelesnu ozljedu,

čime je počinio krivično djelo Teška krivična djela protiv bezbjednosti javnog saobraćaja iz člana 336. stav 3. u vezi sa članom 332. stav 3. u vezi sa stavom 1. KZ F BiH.